

唐詩集

文藝社

上海圖書館藏書

抱犊山人纂

唐詩一萬首



花山文艺出版社
一九九一年·石家庄

李端

李端。字正己。赵郡人。大历五年进士。与卢纶、吉中孚、韩翃、钱起、司空曙、苗发、崔峒、耿沛、夏侯审唱和。号大历十才子。尝客驸马郭曖第。赋诗冠其坐客。初授校书郎。后移疾江南。官杭州司马卒。

集三卷。

古别离二首

水国叶黄时。洞庭霜落夜。行舟闻一作问商估。宿在枫林下。此地送君还。茫茫似梦间。后期知几日。前路转多山。巫峡通湘浦。迢迢隔云雨。天晴见海樯。一作舫。一作桥。月落闻津鼓。人老自多愁。水深难急流。清宵歌一曲。白首对汀洲。

与君桂阳别。令君岳阳待。后事忽差池。前期日空在。木落雁嗷嗷。洞庭波浪高。远山云似盖。极浦树如毫。朝

发能几里。暮来风又起。如何两处愁。皆在孤舟里。昨夜天月明。长川寒且清。菊花开欲尽。荠菜泊来生。下江帆势速。五两遥相逐。欲问去时人。知投何处宿。空令猿啸时。泣对湘簾一作潭竹。

折杨柳

一作折杨柳送别

东城攀柳叶。柳叶低着草。少壮莫轻年。轻年有衰老。柳发遍川冈。登高堪断肠。雨烟轻漠漠。何树近君乡。赠君折杨柳。颜色岂能久。上客莫沾巾。佳人正回首。新柳送君行。古柳伤君情。突兀临荒渡。婆娑出旧营。隋家两岸尽。陶宅五株荣一作平。日暮偏愁望。春山有鸟声。一本截后八句为五律。

留别柳中庸

惆怅流水时。萧条背城路。离人出古亭。嘶马入寒树。江海正风波。相逢一作挂蓬在一作向何处。

芜城

昔人登此地。丘陇已前悲。今日又非昔。春风能几时。风吹城上树。草没城边路。城里月明时。精灵自来去。洪迈

取后四句为绝句。

白鹭咏

迥起来应近。高飞去自遥。映林同落雪。拂水状翻潮。犹有幽人兴。相逢到碧霄。

东门送客

绿杨新草路。白发故乡人。既壮还应老。游梁复滞秦。逢花莫漫折。能有几多春。

送韩绅卿

春雨昨开花。秋霜忽沾草。荣枯催日夕。去住皆须老。君望汉家原。高坟渐成道。

襄阳曲

襄阳堤路长。草碧柳枝黄。谁家女儿临夜妆。红罗帐里有灯光。雀钗翠羽动明珰。欲出不出脂粉香。同居女伴正衣裳。中庭寒月白如霜。贾生十八称才子。空得门前一断肠。

胡腾儿 一作歌

胡腾身是凉州儿。肌肤如玉鼻如锥。桐布轻衫前后卷。葡萄长带一边垂。帐前跪作本音语。拾一作拈襟挽一作摆袖为君舞。安西旧牧收泪看。洛下词人抄曲与。扬眉动目踏花毡。红汗交流珠帽偏。醉却东倾又西倒。双靴柔弱满灯前。环行急蹴皆应节。反手叉腰如却月。丝桐忽奏一曲终。呜呜画角城头发。胡腾儿。胡腾儿。故乡路断知不知。

瘦马行

城傍牧马驱未过。一马徘徊起还卧。眼中有泪皮有疮。骨毛焦瘦令人伤。朝朝放在儿童手。谁觉举头看故乡。往时汉地相驰逐。如雨如风过平陆。岂意今朝驱不前。蚊蚋满身泥上腹。路人识是名马儿。一作衰。畴昔三军不得骑。玉勒金鞍既已远。一作过。追奔获兽有谁知。终身枵上食君草。遂与驽骀一时老。悦借长鸣陇上风。犹期一战安西道。

乌栖曲

白马逐朱一作牛车。黄昏入狭斜。狭斜柳树鸟争宿。争枝未得飞上屋。东房少妇婿从军。每听乌啼知夜分。

送客东归

昨夜东风吹尽雪。两京路上梅花发。行人相见便东西。日暮溪头饮马别。把君衫袖望垂杨。两行泪下思故乡。

救生寺望春寄畅当

东西南北望。望远悲潜蓄。红黄绿紫花。花开看不足。今年与子少相随。他年与子老相逐。

妾薄命

忆妾初嫁君。花鬟如绿云。回灯入绮帐。转面脱罗裙。折步教人学。偷香与客熏。容颜南国重。名字北方闻。一从失恩意。转觉身憔悴。对镜不梳头。倚窗空落泪。新人莫恃新。秋至会无春。从来闭在长门者。必是宫中第一人。

关山月

露湿月苍苍。关头榆叶黄。回轮照海远。分彩上楼长。水冻频移幕。兵疲数望乡。只应城影外。万里共胡霜。

度关山

雁塞日初晴。狐一作孤关雪复一作覆雪平。危楼一作竿缘广漠。古塞傍长城。拂剑金星出。弯弧玉羽鸣一作轻。谁知系虏者。贾谊是书生。洪迈取前四句为绝句。

巫山高

一作巫山高和皇甫拾遗

巫山十二峰一作重。皆在碧虚中。回合云藏月一作日。霏微雨带风。猿声寒过涧一作度水。树色暮连空。愁向高唐望。清秋见楚宫。

雨雪曲

天山一丈雪。杂雨夜霏霏。湿马胡歌乱。经烽汉火微。丁零苏武别一作住。疏勒范羌归。若看一作著关头下一作过。长榆叶定稀。

山下泉

碧水映丹霞。溅溅度浅沙。暗通山下草。流出洞中花。净色和云落。喧声绕石斜。明朝更寻去。应到阮一作刘郎家。

送客赴洪州

一作送郑侍御

草色随骢马。悠悠共出秦。水传云梦晓。山接洞庭春。帆影连三峡。猿声在四邻。青门一分手。难见杜陵人。

与郑锡游春

东门垂柳长。回首独心伤。日暖临芳草。天晴忆故乡。映花莺上下。过水蝶飞扬。借问同行客。今朝泪几行。

送友人

一作送友人南游

闻说湘川路。年年古木一作吊古多。猿啼巫峡夜。月照洞庭波。穷海人还去。孤城雁与过。青山不同赏一作不可到。来往自蹉跎。

雨后游辋川

骤雨归山尽。颓阳入辋川。看虹登晚墅。踏石过春泉。紫葛藏仙井。黄花出野田。自知无路去。回步就人烟。

同苗

一作裴

员外宿荐福寺僧舍

潘安秋兴动。凉夜宿僧房。倚杖云离月。垂帘竹有霜。回风生一作吹远迳。落叶飒长廊。一与交亲会。空贻别后伤。

送客往

一作赴

湘江

识君年已老。孤棹向潇湘。素发临高镜。清晨入远乡。三山分夏口。五两映潞阳。更逐巴东一作江客。南行泪几行。

送友人游蜀

嘉陵天气好。百里见双流。帆影缘巴字一作寺。钟声出汉州。绿原春草晚。青木暮猿愁。本是风流地。游人易白头。

江上逢司空曙

一作岳阳逢司空文明。得关中书。

共尔一作有髫年故。相逢万里餘。新春两行泪。故一作旧国一封书。夏口帆初落一作泊。汾一作得。一作衡。阳雁正一作已疏。唯当执杯酒。暂食汉江鱼。襄阳耆旧传。汉水中有鱼甚美。

赋得山泉送房造

泉水山边去。高人月下看。润松秋色净。落涧夜声寒。委曲穿深竹。潺湲过远一作浅滩。圣朝无隐者。早晚罢渔竿。

忆皎然上人

未得从师去。人间万事劳。云门不可见。山水已应高。向日开柴户。惊秋问敝袍。何由宿峰顶。窗里望波涛。

送友人还洛

去国渡关河。蝉鸣古树多。平原正超忽。行子复蹉跎。去事不可想。旧游难再过。何当嵩岳下。相见在烟萝。

赠李龟年

青春事汉主。白首入秦城。遍识才人字一作时人号。多知旧曲名。风流随故事。语笑合新声。独有垂杨树。偏伤日暮情。

送郭补阙归江阳

东门春尚浅。杨柳未成阴。雁影愁斜日。莺声怨故林。隋宫江上远。梁苑雪中深。独有怀归客。难为欲别心。

宿山寺思归

僧房秋雨歇。愁卧夜更深。欹枕闻鸿雁。回灯见竹林。归萤入草尽。落月映窗沉。拭泪无人觉。长谣向壁阴。

送客赴江陵寄郢州郎士元

露下晚蝉愁。诗人旧怨秋。沅湘莫留滞。宛洛好遨游。饮马逢黄菊。离家值白头。竟陵明月夜。为上庾公楼。

送客赋得巴江夜猿

巴水天边路。啼猿伤客情。迟迟云外尽。杳杳树中生。残月暗将落。空霜寒欲明。楚人皆掩泪。闻到第三声。

晚次巴陵

雪后柳条新。巴陵城下人。烹鱼邀水客。载酒奠山神。云去低一作归斑竹。波回一作风来动白蘋。不堪逢楚老。日暮正江春。

送袁稠游江南

江南衰草遍。十里见长亭。客去逢摇落。鸿飞入杳冥。空城寒雨细。深院晓灯青。欲去行人起。徘徊恨酒醒。

送夏中丞赴宁国任

楚县入青枫。长江一派通。板桥寻谢客。古邑事陶公。片雨收山外。连云上汉东。陆机犹滞洛。念子望南鸿。

早春夜望

旧雪逐泥沙。新雷发草芽。晓霜应傍鬓。夜雨莫催花。行矣前途晚。归欤故国赊。不劳报春尽。从此惜年华。

宿洞庭

白水连天暮。洪波带日流。风高云梦夕。月满洞庭秋。沙上渔人火。烟中贾客舟。西园与南浦。万里共悠悠。

塞上

一本作卢纶诗。题作从军行。

二十在边城。军中得勇名。卷旗收败马。占碛拥残兵。覆阵鸟鸢起。烧山草木明。塞闲思远猎。师老厌分营。雪岭无人迹。冰河足雁声。李陵甘此没。惆怅汉公卿。

芜城

一作芜城怀古

风吹城上树。草没城边一作下路。城里月明时。精灵自来去。此首即前芜城篇末四句。

拜新月 一作耿沛诗

开帘见新月。便即下阶拜。细语人不闻。北风吹裙带。

听箏

鸣箏金粟柱。素手玉房前。欲得周郎顾。时时误拂弦。

江上送客

故人南去汉江阴。秋雨萧萧云梦深。江上见人应下泪。由来远客易伤心。

闺情

月落星稀天欲明。孤灯未灭梦难成。披衣更向门前望。不忿朝来鹊喜声。

听夜雨寄卢纶

暮雨萧条过凤城。霏霏飒飒重还轻。闻君此夜东林宿。听得荷池几番一作度声。

昭君词

李陵初送子卿回。汉月明时惆怅一作明照帐来。忆著长安旧游处。千门万户玉楼台。

春晚游鹤林寺寄使府诸公

野寺寻春花已迟。背岩惟有两三枝。明朝携酒犹堪醉。为报春风且莫吹。

畅当

畅当。河东人。初以子弟被召从军。后登大历七年进士第。贞元初。为太常博士。终果州刺史。与弟诸皆有诗名。诗一卷。

登鹳雀楼

迥临飞鸟上。高出世尘间。天势围平野。河流入断山。

杨凭

杨凭。字虚受。弘农人。与弟凝、凌皆工文辞。大历中。踵擢进士第。时称三杨。凭重交游。尚气节。与穆质、许孟容、李鄠相友善。号杨穆许李。历事节度府。召为监察御史。累拜京兆尹。与李夷简素有隙。因撻发他罪。欲抵以死。宪宗以凭治京兆有绩。但贬临贺尉。俄徙杭州长史。以太子詹事卒。诗一卷。

晚泊江戍

旅棹依遥戍。清湘急晚流。若为南浦宿。逢此北风秋。云月孤鸿晚。关山几路愁。年年不得意。零落对沧洲。

巴江雨夜

五岭天无雁。三巴客问津。纷纷轻汉暮。漠漠暗江春。青草连湖岸。繁花忆楚人。芳菲无限路。几夜月明新。

春中泛舟

仙郎归奏一作秦过湘东。正值三湘二月中。惆怅满川桃李醉。醉看还与曲江同。

雨中怨秋

辞家远客怆秋风。千里寒云与断蓬。日暮隔山投古寺。钟声何处雨濛濛。

寄别

晚烟洲雾共苍苍。河雁惊飞不作行。回旆转舟行数里。歌声犹自逐清湘。

湘江泛舟

湘川洛浦三千里。地角天涯南北遥。除却同倾百壶外。不愁谁奈两魂销。

送别

江岸梅花雪不如。看君驿驭向南徐。相闻不必因来雁。云里飞骍落素书。

杨凝

杨凝。字懋功。由协律郎三迁侍御史。为司封员外郎。徙吏部。稍迁右司郎中。终兵部郎中。集二十卷。

初渡淮北岸

别梦虽难觉。悲魂最易销。殷勤淮北岸。乡近去家遥。

柳絮

河畔多杨柳。追游尽狭斜。春风一回送。乱入莫愁家。

春霁晚望

一作晚望

细雨晴深小苑东。春云开气逐光风。雄儿走马神光上。静女看花佛寺中。书剑学多心欲懒。田园荒废望频空。南归路极天连海。惟有相思明月同。

别李协

江边日暮不胜愁。送客沾衣江上楼。明月峡添明月照。蛾眉峰似两眉愁。

初次巴陵

西江浪接洞庭波。积水遥连天上河。乡信为凭谁寄去。汀洲燕雁渐来多。

送别

春愁不尽别愁来。旧泪犹长新泪催。相思倘寄相思字。一作子。君到扬州扬子回。

送客入蜀

剑阁迢迢梦想间。行人归路绕梁山。明朝骑马摇鞭去。秋雨槐花子午关。

送人出塞

北风吹雨雪。举目已凄凄。战鬼秋频哭。征鸿夜不栖。沙平关路直。碛广郡楼低。此去非东鲁。人多事鼓鼙。

杨凌

杨凌。字恭履。少以篇什著声。官终侍御史。诗一卷。

江上秋月

陇雁送乡心。羁情属岁阴。惊秋黄叶遍。愁暮碧云深。月色吴江上。风声楚木林。交亲几重别。归梦并愁侵。

剡溪看花

花落千回舞。莺声百啭歌。还同异方乐。不奈客愁多。

江中风

白浪暗江中。南泠路不通。高樯帆自满。出浦莫呼风。

秋原野望

客雁秋来次第逢。家书频寄两三封。夕阳天外云归尽。乱见青山无数峰。

明妃怨

汉国明妃去不还。马驮弦管向阴山。匣中纵有菱花镜。羞对单于照旧颜。

司空曙

司空曙。字文明（一作初）。广平人。登进士第。从韦皋于剑南。贞元中。为水部郎中。终虞部郎中。诗格清华。为大历十才子之一。

赠李端

共忆南浮一作楼日。登高望若何。楚田湖草远。江寺海榴多。载酒寻山宿。思人带雪过。东西几回别。此会各蹉跎。

风筝

高风吹玉柱。万籁忽齐飘。飒树迟难度。萦空细渐销。松泉鹿门夜。笙鹤洛滨朝。坐与真僧听。支颐向寂寥。

云阳馆与韩绅

一作韩升卿宿别

故人江海别。几度隔山川。乍见翻疑梦。相悲各同年。孤灯寒照雨。湿竹暗浮烟。更有明朝恨。离杯惜共传。

夜闻回雁

雁响天边过。高高望不分。颼颼传细雨。嘹唳隔长云。散向谁家尽。归来几客闻。还将今夜意。西海话苏君。

赋得的的帆向浦

向浦参差去。随波远近还。初移芳草里。正在夕阳间。隐映回孤驿。微明出乱山。向空看不尽。归思满江关。

南原

一作浦望汉宫

荒原空有汉宫名。衰草茫茫雉堞平。连雁下时秋水在。行人过尽暮烟生。西陵歌吹何年绝。南陌登临此日情。故事悠悠不可问。寒禽野水自纵横。

赠衡岳

一作岳阳隐禅师

拥褐安居南岳头。白云高寺见衡州。石窗湖水摇寒月。枫树猿声报夜秋。讲席旧逢山一作沙鸟至。梵经初向竺僧求。垂垂一作自知身老将传法。因下人间遂北一作逐此游。

金陵怀古

辇路江枫暗。官庭野草春。伤心庾开府。老作北朝臣。

发渝州却寄韦判官

红烛津亭夜见君。繁弦急管两纷纷。平明分一作携手空江转。唯有猿声满一作啼水云。

峡口送友人

峡口花飞欲尽春。天涯去住泪沾巾。来时万里同为客。今日翻成送故人。

竹里径

幽径行迹稀。清阴苔色古。萧萧风欲来。乍似蓬一作逢山雨。

江村即事

钓罢归来不系船。江村月落正堪眠。纵然一夜风吹去。

只在芦花浅水边。

秋园

一本题下有戏题二字

伤秋不是惜年华。别忆春风碧玉家。强向衰丛见芳意。茱萸红实似繁花。

杂兴

月没辽城暗出师。双龙金角晓天悲。黄尘满目随风散。不认将军燕尾旗。

喜外弟卢纶见

一作访宿

静夜四无邻。荒居旧业贫。雨中黄叶树。灯下白头人。以我独沉久。愧君相见频。平生自有一作有深分。况是蔡家亲。

深上人见访忆李端

雁稀秋色尽。落日对寒山。避事多称疾。留僧独闭关。心归尘俗外。道胜有无间。仍忆东林友。相期久不还。

分流水

古时愁别泪。滴作分流水。日夜东西流。分流几千里。通塞两不见。波澜各自起。与君相背飞。去去心如此。

塞下

一作上曲

寒柳接胡桑。军门向大荒。幕营随月魄。兵气长星芒。横吹催春酒。重裘隔夜霜。冰开不防虏。青草满辽阳。

关山月

苍茫明月上。夜久光如积。野幕冷胡霜。关楼宿边客。陇头秋露暗。碛外寒沙白。唯有故乡人。沾裳此闻笛。

望水

高楼一作原晴见水。楚色霭相和。野极空如练一作雪。天遥不辨波。永无人迹到。时有鸟行过。况是苍茫外。残阳照最一作更多。

望商山路

南见青山道。依然去国时。已甘长避地。谁料有还期。雨霁残阳薄。人愁独望迟。空残华发在。前事不堪思。

题落叶

霜景催危叶。今朝半树空。萧条故国异。零落旅人同。飒岸浮寒水。依阶拥夜虫。随风偏可羨。得到洛阳宫一作城中。

崔峒

崔峒。博陵人。登进士第。为拾遗。集贤学士。终于州刺史。艺文传云。终右补阙。大历十才子之一也。诗一卷。

江上书怀

骨肉天涯别。江山日落时。泪流襟上血。发变一作白镜中

丝。胡越书难到。存亡梦岂知。登高回首罢。形影自相随。

春日忆姚氏外甥

离乱人相失。春秋雁自飞。只缘行路远。未必寄书稀。二月花无数。频年意有违。落晖看过后。独坐泪沾衣。

王烈

王烈。大历间人。

塞上曲二首

红颜岁岁老金微。砂碛年年卧铁衣。白草城中春不入。黄花戍上雁长飞。
孤城夕对戍楼闲。回合青冥万仞山。明镜不须生白发。风沙自解老红颜。

崔季卿

崔季卿。峒之从孙。

晴江秋望

八月长江万里晴。千帆一道带风轻。尽日不分天水色。洞庭南是岳阳城。

王建

王建。字仲初。颍川人。大历十年进士。初为渭南尉。历秘书丞、侍御史。太和中。出为陕州司马。从军塞上。后归咸阳。卜居原上。建工乐府。与张籍齐名。宫词百首。尤传诵人口。

古从军

汉家一作军逐单于。日没处一作交河曲。浮云道旁起。行子车下宿。枪城围鼓角。毡帐依山谷。马上悬壶浆。刀头分

颊一作顿肉。来时高堂上。父母亲结束。回面一作首不见家。
一作客。风吹破衣服。金疮在一作生肢节。相与拔一作取箭
镞。闻道西凉州。家家妇女一作人哭。

邯鄲主人

远客无主人。夜投邯鄲市。飞蛾绕残烛。半夜人醉起。埽
边酒家女。遗我绡绮被。合成双凤花。宛转不相离。纵令
颜色改一作故。勿遣合欢异。一念始为难。万金谁足贵。
门前长安道。去者如流水。晨风群鸟翔。裴回别离此。

远征归

万里发辽阳。处处问家乡。回车不淹辙。雨雪满衣裳。行
见日月疾。坐思道路长。但令不征戍。暗镜生重光。

思远人

妾思常悬悬。君行复绵绵。征途向何处。碧海与青天。岁
久一作蜀人自有念。谁令长在边。少年若不归。兰室如黄
泉。

伤近者不见

离人隔中庭。幸不为远征。雕梁下有壁。闻语亦闻行。天
涯尚寄信。此处不传情。君能并照水。形影自分明。

早发金堤驿

虫声四野合。月色满城白。家家闭户眠。行人发孤驿。离
家尚苦热。衣服唯轻绌。时节忽复迁。秋风彻经脉。人睡
落重轍。马惊入芦荻。慰远时问程。惊昏忽摇策。从军岂
云乐。忧患常萦积。唯愿在一作住贫家一作在家贫。团圆过
朝夕。

凉州行

凉州四边沙皓皓一作浩浩。汉家无人开旧道。边头州县尽
胡兵。将军别一作当筑防秋城。万里人家一作征人皆已没。
年年旌节发西京。多来中国收妇女。一半生男一作来为
汉语。蕃人旧日不耕犁。相学如今种禾黍。驱羊亦著锦
为衣。为惜毡裘防斗一作树时。养蚕缫茧成匹帛。那堪一
作得。一作将。绕帐作旌旗。城头山鸡鸣角角。洛阳家家学
一作教胡乐。